



CENTRALNA/SREDIŠNJA HARMONIZACIJSKA JEDINICA  
ЦЕНТРАЛНА ХАРМОНИЗАЦИЈСКА ЈЕДИНИЦА

Broj: 03-1-16-8-82-1/25  
Sarajevo, 18.02.2025. godine

Na osnovu člana 61. stav (2) Zakona o upravi („Službeni glasnik BiH“, br. 32/02, 102/09 i 72/17), čl. 33b. i 33f. stav (2) tačka b), a u vezi s članom 33i. stav (2) Zakona o finansiranju institucija Bosne i Hercegovine („Službeni glasnik BiH“, br. 61/04, 49/09, 42/12, 87/12, 32/13 i 38/22), direktor Centralne harmonizacijske jedinice Ministarstva finansija i trezora Bosne i Hercegovine, *donosi*

**PLAN I PROGRAM OBUKE IZ OBLASTI  
FINANSIJSKOG UPRAVLJANJA I KONTROLE U INSTITUCIJAMA  
BOSNE I HERCEGOVINE ZA 2025. GODINU**

**I OPĆI DIO**

**Član 1.**

- (1) Predmet Plana i programa obuke iz oblasti finansijskog upravljanja i kontrole u institucijama Bosne i Hercegovine za 2025. godinu (u daljnjem tekstu: Plan i program obuke) je stručna obuka: osoba zaduženih za finansijsko upravljanje i kontrolu, koordinatora za proces upravljanja rizicima, rukovodilaca nižeg i srednjeg nivoa rukovođenja u institucijama Bosne i Hercegovine, zaposlenih u institucijama Bosne i Hercegovine koji imaju ovlaštenja i odgovornosti za učešće u provođenju postupaka javnih nabavki, zaposlenih u institucijama Bosne i Hercegovine kojima su dodijeljena ovlaštenja za pristup *PIFC* aplikaciji, uključujući i druge zaposlene kojima rukovodilac institucije dodijeli ovlaštenja i odgovornosti za uspostavljanje i razvoj finansijskog upravljanja i kontrole (u daljnjem tekstu: FUK), kao i zaposlenih u organizacionim jedinicama za finansije i budžet u institucijama Bosne i Hercegovine.
- (2) Svrha Plana i programa obuke je upoznavanje osoba navedenih u stavu (1) ovog člana sa:
- stepenom uspostavljanja FUK-a u institucijama Bosne i Hercegovine,
  - planiranim mjerama za razvoj sistema FUK-a u institucijama Bosne i Hercegovine,
  - aktivnostima koje je potrebno izvršiti u cilju realizacije zaključaka Vijeća ministara Bosne i Hercegovine i Parlamentarne skupštine Bosne i Hercegovine u vezi s Konsolidiranim godišnjim izvještajem o sistemu finansijskog upravljanja i kontrole u institucijama Bosne i Hercegovine za 2024. godinu,

- preporukama za unapređenje i razvoj sistema FUK-a koje je Centralna harmonizacijska jedinica Ministarstva finansija i trezora BiH (u daljnjem tekstu: CHJ MFT BiH) dala u Konsolidiranom godišnjem izvještaju o sistemu finansijskog upravljanja i kontrole u institucijama Bosne i Hercegovine za 2024. godinu,
- mjerama i aktivnostima iz Operativnog godišnjeg akcionog plana Strategije razvoja sistema internih finansijskih kontrola u institucijama Bosne i Hercegovine za 2025. godinu i
- značajem realizacije preporuka iz revizorskih izvještaja Ureda za reviziju institucija Bosne i Hercegovine, a koje se odnose na unapređenje sistema internih kontrola u institucijama Bosne i Hercegovine.

## II PROGRAM OBUKE

### Član 2.

(1) Program obuke iz oblasti finansijskog upravljanja i kontrole za 2025. godinu sastoji se od četiri modula i to:

- *Modul 1:* Obuka o korištenju *PIFC* aplikacije;
- *Modul 2:* Prezentacija Konsolidiranog godišnjeg izvještaja o sistemu finansijskog upravljanja i kontrole u institucijama Bosne i Hercegovine za 2024. godinu i Operativnog godišnjeg akcionog plana Strategije razvoja sistema internih finansijskih kontrola u institucijama Bosne i Hercegovine za 2025. godinu s preporukama za unapređenje sistema finansijskog upravljanja i kontrole u institucijama Bosne i Hercegovine;
- *Modul 3:* Obuka iz oblasti procesa upravljanja rizicima – studija slučaja;
- *Modul 4:* Instrukcije za izradu godišnjeg izvještaja o sistemu finansijskog upravljanja i kontrole u institucijama Bosne i Hercegovine za 2025. godinu putem modula za finansijsko upravljanje i kontrolu u *PIFC* aplikaciji.

### Član 3.

(1) Modul 1 Plana i program obuke odnosi se na prezentiranje:

- općih informacija i funkcionalnosti *PIFC* aplikacije,
- registra rizika u *PIFC* aplikaciji,
- mape poslovnih procesa u *PIFC* aplikaciji,
- izvještaja o samoprocjeni u *PIFC* aplikaciji i
- funkcionalnosti *PENTAHO* za potrebe izvještavanja.

(2) Modul 2 Plana i program obuke odnosi se na:

- analizu trenutnog stanja u oblasti FUK-a u institucijama Bosne i Hercegovine uzimajući u obzir analizu godišnjih izvještaja o sistemu finansijskog upravljanja i kontrole u institucijama Bosne i Hercegovine za 2024. godinu,
- prezentaciju Konsolidiranog godišnjeg izvještaja o sistemu finansijskog upravljanja i kontrole u institucijama Bosne i Hercegovine za 2024. godinu,

- prezentaciju informacija o realizaciji Operativnog godišnjeg akcionog plana Strategije razvoja sistema internih finansijskih kontrola u institucijama Bosne i Hercegovine za 2024. godinu,
- prezentaciju Operativnog godišnjeg akcionog plana za realizaciju Strategije razvoja sistema internih finansijskih kontrola u institucijama Bosne i Hercegovine za 2025. godinu i
- prezentaciju preporuka CHJ MFT BiH iz Konsolidiranog godišnjeg izvještaja o sistemu finansijskog upravljanja i kontrole u institucijama Bosne i Hercegovine za 2024. godinu.

(3) Modul 3 Plana i program obuke odnosi se na prezentiranje:

- odredbi Smjernica za upravljanje rizicima u institucijama BiH – Verzija 2,
- odgovornosti za proces upravljanje rizicima u institucijama BiH,
- koraka za provođenje procesa upravljanja rizicima,
- planiranje provođenja mjera za ublažavanje ili izbjegavanje rizika,
- prezentaciju studije slučaja i
- internog izvještavanja o procesu upravljanja rizicima u institucijama BiH

(4) Modul 4 Plana i program obuke odnosi se na:

- upoznavanje osoba iz člana 1. stav (1) ovog plana i programa obuke s formom i sadržajem pitanja u obrascu godišnjeg izvještaja o sistemu finansijskog upravljanja i kontrole za 2025. godinu,
- prezentaciju funkcionalnosti *PIFC* aplikacije u modulu za FUK „Izveštaj samoprocjene“ i
- primjenu Pravilnika o izvještavanju o sistemu FUK-a u institucijama Bosne i Hercegovine.

#### Član 4.

- (1) Obuka za Modul 1 trajat će 2 (dva) školska sata i namijenjena je svim zaposlenim u institucijama BiH koji imaju dodijeljena ovlaštenja i odgovornosti za pristup *PIFC* aplikaciji. Obuka će se realizirati *online*, u drugom kvartalu 2025. godine.
- (2) Obuka za Modul 2 trajat će 2 (dva) školska sata i namijenjena je osobama zaduženim za finansijsko upravljanje i kontrolu, koordinatorima za proces upravljanja rizicima i drugim zaposlenim u institucijama Bosne i Hercegovine koje rukovodilac institucije zaduži za uspostavljanje i razvoj FUK-a. Obuka će se realizirati *online*, u drugom kvartalu 2025. godine.
- (3) Obuka za Modul 3 trajat će četiri školska sata, a namijenjena je osobama zaduženim za finansijsko upravljanje i kontrolu, koordinatorima za proces upravljanja rizicima i drugim zaposlenim u institucijama Bosne i Hercegovine kojima je rukovodilac institucije dodijelio ovlaštenja i odgovornosti za upravljanje rizicima. Modul 3. obuke organizira se kao radionica interaktivnog tipa. Realizacija drugog modula obuke planirana je za treći/četvrti kvartal 2025. godine.
- (4) Obuka za Modul 4 trajat će 2 (dva) školska sata i namijenjena je svim zaposlenim u institucijama Bosne i Hercegovine koji su zaduženi za pripremu i dostavljanje godišnjih izvještaja o sistemu finansijskog upravljanja i kontrole u institucijama Bosne i

Hercegovine. Realizacija četvrtog modula obuke planirana je za četvrti kvartal 2025. godine.

#### **Član 5.**

- (1) Na obukama je obavezno prisustvo minimalno jednog zaposlenog (polaznika obuke) iz svake institucije Bosne i Hercegovine.
- (2) Rukovodioci institucija vršit će izbor polaznika obuke iz svojih institucija u skladu s planovima stručnog usavršavanja i obučavanja zaposlenih i definiranjem ciljne grupe polaznika od strane CHJ MFT BiH.

#### **Član 6.**

- (1) Polaznici obuke blagovremeno će biti obaviješteni o terminima, mjestu i načinu održavanja obuke.
- (2) Nakon realizacije Plana i programa obuke polaznici obuke dobijaju uvjerenje o završenoj obuci.
- (3) Uvjerenje o završenoj obuci izdaje CHJ MFT BiH.

#### **Član 7.**

- (1) CHJ MFT BiH će, u skladu s članom 31. Odluke o načinu provođenja obuke državnih službenika u institucijama Bosne i Hercegovine („Službeni glasnik BiH“, broj: 15/17) dostaviti Agenciji za državnu službu BiH sve relevantne podatke u vezi s realiziranim obukama radi utvrđivanja broja kredita.
- (2) CHJ MFT BiH će dostaviti polaznicima obuke informaciju Agencije za državnu službu BiH o utvrđenom broju dodijeljenih kredita za predmetnu obuku.

#### **Član 8.**

- (1) Obuke iz oblasti FUK-a vode instruktori iz CHJ MFT BiH koji su u okviru projekta Evropske unije „Jačanje upravljanja javnim finansijama“ obučeni za oblast finansijskog upravljanja i kontrole u institucijama Bosne i Hercegovine.
- (2) Izuzetno od stava (1) ovog člana, CHJ MFT BiH može angažirati vanjske instruktore koji su eksperti za specifična područja obuke.

#### **Član 9.**

Instruktori za finansijsko upravljanje i kontrolu dužni su:

- pridržavati se sadržaja obuke i preporuka CHJ MFT BiH i
- stručno, kvalitetno i profesionalno provesti obuku za koju su zaduženi.

#### **Član 10.**

- (1) Vanjski instruktori za FUK, angažirani u skladu s članom 8. stavom (2) Plana i programa obuke, imaju pravo na naknadu za svoj rad koja se isplaćuje u skladu s odredbama Odluke o načinu provođenja obuke državnih službenika u institucijama Bosne i Hercegovine.
- (2) Izuzetno od stava (1) ovog člana, direktor CHJ MFT BiH može posebnom odlukom definirati i drugačije utvrđeni iznos naknade za angažiranje eksperata, odnosno vanjskih instruktora sa specifičnim znanjima i vještinama za realizaciju obuka iz ovog plana.
- (3) CHJ MFT BiH će sa svakim angažiranim vanjskim instruktorom zaključiti ugovor o djelu.
- (4) Sredstva za ove naknade osigurana su u budžetu CHJ MFT BiH za 2025. godinu.

### III PRELAZNE I ZAVRŠNE ODREDBE

#### Član 11.

- (1) Plan i program obuke za finansijsko upravljanje i kontrolu u institucijama Bosne i Hercegovine za 2025. godinu stupa na snagu danom donošenja.
- (2) Plan i program obuke za finansijsko upravljanje i kontrolu u institucijama Bosne i Hercegovine za 2025. godinu bit će objavljen na internet stranici CHJ MFT BiH <https://chj.mft.gov.ba>, odnosno na internet stranici Ministarstva finansija i trezora BiH [www.mft.gov.ba](http://www.mft.gov.ba), u dijelu koji se odnosi na CHJ MFT BiH.

**DIREKTOR**

**Njegoš Pavlović, s.r.**

#### Dostaviti:

- koordinatori za FUK u institucijama BiH,
- internet stranica CHJ MFT BiH,
- a/a.